

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), a u vezi sa članom 41. stav 2. Zakona o izvršenju Budžeta Zeničko-dobojskog kantona za 2012. godinu ("Službene novine Zeničko-dobojskog kantona", broj:05/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na sjednici 74. sjednici, održanoj 09.08.2012. godine, d o n o s i

**ZAKLJUČAK**  
**o usvajanju Programa utroška sredstava Budžeta**  
**za izradu ribolovne osnove za područje Zeničko-dobojskog kantona**

**I**

Usvaja se Program utroška sredstava Budžeta za izradu ribolovne osnove za područje Zeničko-dobojskog kantona, u razdjelu 23-Ministarstva za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614 400, NAD 408, Budžeta Zeničko-dobojskog kantona za 2012. godinu, u iznosu od 35.000,00 KM (slovima: trideset pethiljada konvertibilnih maraka) i čini sastavni dio ovog zaključka.

**II**

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

**III**

Zaključak stupa na snagu danom donošenja.

Broj: 02-\_\_\_\_\_/12.  
Datum, 09.08.2012. godine  
Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo za poljoprivredu  
šumarstvo i vodoprivredu,  
1x Ministarstvu finansija,  
1x a/a.

**PROGRAM**  
**Utroška sredstava Budžeta za izradu Ribolovne osnove**  
**za područje Zeničko-dobojskog kantona**

**Podaci o Programu**

1. Program je usvojen: na 74. sjednici Vlade Zeničko-dobojskog kantona održanoj 09.08.2012. godine.

Period realizacije Programa: Program će se realizovati 2012. godine

2. Ukupna vrijednost Programa: **35.000,00 KM**

3. Namjena Programa: Izrada Ribarske osnove za Ribolovno područje područje Zeničko-dobojskog kantona

4. Korisnik Programa: Ministarstvo za poljoprivredu, šumarstvo i vodoprivredu

5. Izvor sredstava: Budžet Zeničko-dobojskog kantona za 2012. godinu - Budžet Ministarstva za poljoprivredu, šumarstvo i vodoprivredu pozicija „Sredstva za izradu ribolovne osnove”, razdjel 23, budžetska organizacija 01, potrošačka jedinica 0001, ekonomski kod 61400, NAD 408 i Zakon o izvršavanju Budžeta Zeničko- dobojskog kantona ("Službene novine Zeničko- dobojskog kantona", broj: 05/2012),

6. Odgovorna osoba: Bojan Bošnjak, ministar

## I UVOD

U skladu sa Zakonom o slatkovodnom ribarstvu („Službene novine Federacije BiH“, broj:64/04) Ministarstvo za poljoprivredu, šumarstvo i vodoprivredu Zeničko-dobojskog kantona je u 2010. godini okončalo postupak dodjele ribolovnog prava na cijelom području Zeničko-dobojskog kantona. Ribolovno pravo je dodjeljivano po ribolovnim zonama, koje su utvrđene u Odluci o određivanju ribolovnog područja i ribolovnih zona na području Zeničko-dobojskog kantona („Službene novine Zeničko-dobojskog kantona“, broj 18/07). Ribolovno područje Zeničko-dobojskog kantona je podjeljeno u deset (10) ribolovnih zona. U postupku dodjele ribolovnih prava raspisan je Konkurs o ustupanju korištenje ribolovnog prava po ribolovnim zonama na području Zeničko-dobojskog kantona koji je objavljen u dnevnom listu „Avaz“. Na osnovu Odluke o utvrđivanju visine naknade za korištenje ribolovnih zona u Ribolovnom području Zeničko-dobojskog kantona („Službene novine Zeničko-dobojskog kantona, broj: 01/2010) utvrđeni su početni iznosi naknada po zonama odvojeno za prvu godinu i za devet slijedećih godina.

Usluga izrade Ribolovne osnove za područje Zeničko-dobojskog kantona dodjeljena je Poljoprivredno-prehrambenom fakultetu na osnovu provedene procedure po Obavještenju o nabavci broj: 1-12-10694-10, objavljenog u Službenom glasniku BiH, broj: 58/10 od 19. 07. 2010. godine.

Sa aktivnostima na izradi ribolovne osnove za područje Zeničko-dobojskog kantona Poljoprivredno-prehrambeni fakultet je startao krajem 2010. godine, a aktivnosti su se odnosile na :

- Utvrđivanje kvalitetnih svojstava vode.
- Utvrđivanje kvalitativne i kvantitativne strukture biocenoze.
- Utvrđivanje kvalitativne i kvantitativne sastav ihtiocenoze (pregled ribljeg fonda).
- Analiza dosadašnjih praksi poribljavanja i njeni efekti i
- Analiza mogućih uticaja ostalih antropogeonig faktora na bonitet i kvalitet proučavanih ekosistema.

Istraživanja su završena izradom radne verzije Ribarske osnove za područje Zeničko-dobojskog kantona, koju je Poljoprivredno-prehrambeni fakultet u julu 2012. godine dostavio Ministarstvu za poljoprivredu, šumarstvo i vodoprivredu na ocjenu i davanje određenih primjedbi i sugestija. Radna verzija je dostavljena i korisnicima ribolovnog prava, kako bi i oni dali svoje sugestije i primjedbe.

### **Izvor sredstava za realizaciju Programa**

Sredstva za realizaciju Programa nalaze se u Budžetu Kantona za 2012. godinu na poziciji „Sredstva za izradu ribolovne osnove“, razdjel 23, budžetska organizacija 01, potrošačka jedinica 0001, ekonomski kod 614400, NAD 408.

Sredstva su prikupljena uplatom za prvu godinu korištenja ribolovnog prava na depozitni račun Zeničko-dobojskog kantona broj: 1340100000001672. Ukupno je uplaćeno 75.352,00 KM. Uplatu su izvršili svi korisnici sa kojima je sklopljen ugovor o korištenju ribolovnog prava zaključno sa 14. 01. 2011. godine.

Od ukupno naplaćenih sredstava za prvu godinu korištenja ribolovnog prava, za izradu Ribolovne osnove na Ribolovnom području Zeničko-dobojskog kantona, po Ugovoru potpisanom između Ministarstva za poljoprivredu, šumarstvo i vodoprivredu Zeničko-dobojskog kantona i Poljoprivredno-prehrambenog fakulteta u Sarajevu utrošit će se 63. 075,00 KM. Ostatak sredstava od 1.925,00 KM ostavljeno je za eventualne neplanirane troškove. U 2011. godini Kanton je u skladu sa Ugovorom Poljoprivredno-prehrambenom fakultetu isplatio 50% ugovorenih sredstava ( 31.537,50 KM), drugih 50% sredstava ili 31.537,50 KM ugovoreno je da se plati za usaglašen i odštampan materijal.

R/B	Naziv ugovorene usluge	Ugovoreni iznos u KM	Stanje plaćenih usluga
1	Istraživački radovi- dio	31.537,50	Plaćeno u 2011. godini
2	Štampanje i ostatak istraživačkih radova	31.537,50	Ostalo za isplatu u 2012. godini
<b>Ukupno:</b>	<b>Izrada ribarske osnove za područje Zeničko-dobojskog kantona</b>	<b>63.075,00</b>	

**Napomena:** Budžetom za 2012. godinu i ovim Programom planirana su sredstva u ukupnom iznosu od 35.000 KM. Razlika od 3.462,50 KM je planirana za eventualno štampanje većeg broja primjeraka od ugovorenih 12 . U slučaju da se ne ukaže potreba za većim brojem primjeraka ova sredstva ostaju u Budžetu Zeničko-dobojskog kantona.

### Namjena sredstava

U interesu zaokruživanja aktivnosti oko uređenja upravljanjem ribolovnim fondom na Ribolovnom području Zeničko-dobojskog kantona sredstva će se iskoristiti za izradu Ribolovne osnove za cijelo područje Zeničko-dobojskog kantona. U skladu sa članom 10. Zakona o slatkovodnom ribarstvu ribarska osnova je dokument trajnog karaktera uz monitoring do isteka pete godine od dana potvrđivanja ribarske osnove u Federalnom ministarstvu poljoprivrede, vodoprivrede i šumarstva.

Sredstva prikupljena uplatom od korisnika za prvu godinu korištenja ribolovnog prava namijenjena su za izradu Ribolovne osnove za Ribolovno područje Zeničko-dobojskog kantona. Obzirom da Zakon o slatkovodnom ribarstvu nije strogo predvidio način trošenja ovih sredstava preostali dio od 10. 352,00 KM Vlada će trošiti u skladu prioritarnim potrebama.

### Korištenje sredstava

Korištenje sredstava je u nadležnosti Vlade Zeničko-dobojskog kantona, a obzirom na izvor istih idealno je da se koriste za uređenje oblasti slatkovodnog ribarstva, kao što ovaj Program predviđa. Na ovaj način Vlada pomaže uređenje oblasti slatkovodnog ribarstva, a da ne angažuje sredstva iz drugih izvora.

### Realizacija Programa

Program će se realizirati u 2012.godini.

Broj: 02-\_\_\_\_\_ /12.

Datum, 09.08.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo za poljoprivredu

šumarstvo i vodoprivredu,

1x Ministarstvu finansija,

1x a/a.